

# Bingzgoj Si Guh Hozdung Cawjdae Gyauyuz Geiqniemh Daengxcungq Yinzminz Dingjhoenx Bauqfat 88 Hopbi Caeuq Couqmaenh Gij Eiqsik Cunghvaz Minzczu Ranz Vunz Ndeu

7 nyied 11 hauh, Bingzgoj Siveij Dungcanbu daengz Sinh' anh Cin Gizsiengz Segih guh hozdung cawjdae gyauyuz geiqniemh daengxcungq yinzminz dingjhoenx bauqfat 88 hopbi caeuq couqmaenh gij eiqsik Cunghvaz Minzczu ranz vunz ndeu. Gizsiengz Segih Gihvejvei "song vej" cwngzzenz caeuq bouhfaenh dangjyenz daiyauj, ginzung daiyauj daengj camgya hozdung. Duenzlwnhgangj aeu gij lizsij

swliu caeuq gij goj gamjdoengh, sengdoengh lwnh gij lizsij hungmbwk gvangqlangh gak cuz yinzminz Bingzgoj doengzsim dingjhoenx diziynz. Daegbied cungdenj lwnhgangj le youq mwh guekgya miz nanh, gij rengzgiectomz caeuq rengzsengmingh hoengghwd Cunghvaz Minzczu doxgiect hwnjdaeuj yienjok haenx, lwnhnaeuz dingjhoenx ndaejhingz doiq cauxbaenz gij eiqsik Cunghvaz Minzczu ranz vunz ndeu daeuj gangj miz lizsij yi

hungnaek. Lwnhgangj neiyungz gaenjmaed doxrangh lizsij caeuq yienhsaed, dazyinx gyoengqvunz camgya hozdung haenx lai rox gij lizsij bietyienzsingq caeuq yienhsaed gaenjgipsingq couqmaenh gij eiqsik Cunghvaz Minzczu ranz vunz ndeu guh diuz sienqmeh hong minzczu aen Dangj seizdaih moq.

Gyoengqvunz camgya beizyin neix cungj naeuz, gij lizsij dingjhoenx Cungguk dwg Cunghvaz

Minzczu cizdij ndaejgeiq doengzcaeuz caeuq cingsaenz caizfouq, bietdingh aeu engqgya insik, daihdaih cienziep; doengzseiz gangj le aeu genhgez yungjhu aen Dangj lingjdauj, laebdin ganghvei swheij, cizgiz camgya cauxlaeb minzczu doxgiect baenaj, lumj ndaek lwgloux nei gaenjgaenj doxgot youq itheij, caezcaemh henhoh henzguk anningz caeuq mwnhoengh.

(Lij Gyanghlanz/李江兰)

## Hozdung Gaiqdaihcieb "Yiengjsouh Minzgoh" Haidoengh

7 nyied 11 hauh, hozdung gaiqdaihcieb "yiengjsouh minzgoh" youq Gvangjsih Minzczu Bozvuzgvanz haidoengh, hozdung youz Gvangjsih Vwnzva Caeuq Lijyouz Dingh, Gvangjsih Minzczu Cunghgyau Swvu Veijyenzvei cawjbanh, Gvangjsih Minzczu Bozvuzgvanz ciepbanh. Aen hozdung neix yaek guh daengz 10 nyied, cieplaeng lij yaek guh hozdung minzgoh cawjdae yenzhag, minzgoh cawjdae langhbaij, minzgoh yienjheiq daengj, aeu aen vunqsik "vwnzva + lijyouz + siuhfei" doidoengh minzgoh vwnzva cienziep, vih couqmaenh gij eiqsik Cunghvaz Minzczu ranz vunz ndeu dwk haeuj rengzdoengh moq.

(Vangz Yigiz/ 黄誉琦 Dangz Swjgiz/唐子淇 Cinz Ginhginh/陈金金)



▲ Gyoengqvunz comz naengh congz ndeu gwn youzcaz ciengq minzgoh. Vangz Yigiz ingj

## Ningzmingz: Aen Ban Son-gyauq Aendwngz Haiban

7 nyied 5 hauh, Ningzmingz Vwnzlenz aen ban son' gyauq danz ciengq aendwngz cingqsik haiban, aen ban neix dwg hanghmoeg gietdoiq caemh hwnq cungdenj hengzdoengh hwnqguh "giengzgi gunghcwnz" vwnzyi coenghrens gihcwnz cingsaenz vwnzmingz bi 2025 Gvangjsih, supyinx le 30 lai boux gyaez aendwngz daeuj camgya.

(Maj Yungjsiengz/马永翔)



▲ Gyoengq hauxseng youq ndaw dah ciengj bya haenqrem.

## Yungzsuij: Angqgvaq Conzdungj Cietnauhbya

7 nyied 10 hauh, Yungzsuij Myauzczu Swciyen Hungzsuij Yangh Mbanjliengzsangh guh hozdung gaiq daih 467 conzdungj cietnauhbya Liengzsangh, gaengawq dunggi, gaiq cietnauhbya neix gungu cuengq bya lix 1800 lai gaen. Gvangjsih, Gveicouh, Huznanz daengj gak minzczu ginzung caeuq hekyouz comz youq henz dah, youq ndaw raemx ciengj bya lix, ciengj bya laux daengj, youq ndaw singriu soundaej vuenheij, cukhoh fungsou.

(Lanz Gunh/兰堃)



▲ Lauxsae son hagseng danz aendwngz.